

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Nusret Selimović, (u daljem tekstu: Ugovorni organ)

I

daniel'S d.o.o Tešanj, Trg žrtava 3. augusta 1, ID broj: 4218412690001 koga zastupa direktor Haris Sejdić (u daljem tekstu: Dobavljač)

zaključili su:

UGOVOR O NABAVCI POLICIJSKE OPREME (LOT 3 – BALISTIČKI PRSLUCI)

Član 1.

Predmet ovog ugovora je nabavka policijske opreme – balističkih prsluka – 20 kom, za potrebe Uprave policije MUP-a Kantona Sarajevo.

Nabavka je izvršena putem otvorenog postupka, na osnovu Odluke broj 02-11-4-2466/20 od 24.06.2020. godine.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj: IP/412/20 i na osnovu koje je, zajedno sa elementima iz tenderske dokumentacije i sačinjen ovaj ugovor.

Ponuda Dobavljača broj IP/412/20 od 20.07.2020. godine je sastavni dio ovog ugovora.

Član 3.

Ukupna vrijednost ugovora sa uključenim PDV-om iznosi:

42.120,00 (četrdesetdvijehiljadestotinadvadeset i 00/100) KM

Cijena i ostali elementi ovog ugovora se ne mogu mijenjati.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 5.

Dobavljač se obavezuje da će robu iz člana 1. ovog ugovora isporučiti najkasnije u roku od 120 (stotinadvadeset) dana od dana stupanja na snagu ovog ugovora, na adresu Ugovornog organa, Magacin Rakovica, 71000 Sarajevo.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. i 2. ovog ugovora.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog ugovora.

Član 6.

Ugovorni organ i Dobavljač će obaviti zapisnički prijem robe. U zapisnik se unosi količina isporučene robe te evidentiraju mogući vidljivi nedostaci na istoj.

Ugovorni organ i Dobavljač će metodom slučajnog odabira odrediti jedan komad balističkog prsluka koji će biti predmet analize, kako bi se potvrdilo da isporučena roba po svojim osobinama odgovara onom što je predmet ugovora.

Isporučka će se smatrati urednom, odnosno u skladu sa članom 2. ovog ugovora kada vizuelni pregled i nalaz laboratorije potvrde usklađenost isporučene robe sa robom koja je predmet ponude iz člana 2. ovog ugovora.

Ugovorni organ se obavezuje da će o rezultatima analize iz prethodnog stava obavijestiti Dobavljača pismenim putem u što kraćem roku.

Član 7.

Plaćanje za isporučenu robu će se vršiti u roku od 30 (trideset) dana od dana uredne isporuke robe i dostavljanja pojedinačne fakture, na tekući račun Dobavljača broj: 140 501 000 565 1732 otvoren kod SBERBANK BH d.d. Sarajevo.

Član 8.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena oprema nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 9.

Garancija Dobavljača na isporučenu robu iznosi 10 (deset) godina za balistički materijal i 3 (tri) godine za vanjski plašt i ostale komponente, počinje da vrijedi od datuma isporuke robe. Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

Član 10.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog ugovora, odnosno od početka realizacije ovog ugovora.

Član 11.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 12.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 13.

Svaka od Ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.


Član 14.

Ovaj ugovor je zaključen, kada isti potpišu obje ugovorne strane i važi do izmirenja dužničko-povjerilačkih odnosa.

Član 15.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
daniel's d.o.o. Tešanj



Handwritten signature of Haris Sejdic in blue ink.

direktor
Haris Sejdic

UGOVORNI ORGAN
MUP KANTONA SARAJEVO
UPRAVA POLICIJE



Handwritten signature of Nusret Selimovic in blue ink.

POLICIJSKI KOMESAR
Generalni inspektor policije
Nusret Selimović

Broj: 001/207/20
Datum: 23.11.2020.

Broj: 02-11-4-2466 - 18
Datum: 02.11.2020. godine